



Tuhaqtitjutikhaq

Qillaminuaq Tuhaqtitauyukhaq

Tibaakunut taaksiutikhanut akikhiyuumidjutaa

IQALUIT, Nunavut (Qiqaiyalirvia 15, 2017) – Talvanga Qiqaiyalirvia 15, 2017, Nunavut Kavamanga (GN) akikhiyuumiliqtait taaksiutinut akikhait ukununga ataani tibaakunit piliuqhimagayut:

- higaat taimaa \$0.30 atauhiqmut higaamut, taaffumanga \$0.25
- higaakpagainut tibaakunut taimaa \$0.40 atauhiqmut gram, taaffumanga \$0.20
- higaayuitainut tibaakunut taimaa \$0.30 atauhiqmut gram, taaffumanga \$0.20

“Itquumayut uuktuquiyut taimaa akikhiyuumilugug akikhaa tibaakunut ihuaqtuq piyakhaq ikikhilaqlugu tibaakunut atuqpaktunut naunaitkutainut, ihuaqhiutauniaqtuq aanniar palliahuqlutik,” uqaqtuq Ministangat Kiinauyaliqiyikkut Keith Peterson.

“Naunaitkutivut naunaittut kingullikpaamit pidjutauyunut tibaakunut taaksiutinut akikhait akikhiyuumihimayut 2012-mi, ikikhilaaqut higaat niuviktauyut taimaatut. Taaksiutinut akikhait aallallu ihuaqhiudjutit pittailinirmut naunaiktauhimmaaqtakhait ihuaqhilugillu taimaa ikiklilaarianginnut ihuirutauvaktut tibaakunik atuqpaktunut.”

GN-kut piniaqnahugiyut pilutik amigaitqiyaanit \$4 million atauhiqmi ukiungani maniliurutinut pidjutaanut uumunga akikhilaarutimut, aallamut \$17 million naunairiqliqhimayainut maniit ukiungani atuqniaqtamingnut tibaakunut taaksiutauyunut talvani 2017-2018. Taaksiutinut maniliurutit atuqtauvaktut ikayuutigivlugit aallatqiinik inungnut havakpagainut Nunavunmi.

###

Tuhaqtidjutikhanut Uqaqvikhaq:

Denise Grandmaison
Atannguyaq, Tuhagakhanut
Kiinauyaliqiyikkut
867-975-6818
dgrandmaison@gov.nu.ca

ᓇ᜵ ላ᜵ ላ᜵ ላ᜵ ላ᜵ ላ᜵ ላ᜵ ላ᜵ ላ᜵ ላ᜵
News releases are available in Inuktitut, English, Inuinnaqtun and French on www.gov.nu.ca.

Tuhaqttaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.